

滬上私乘

卅去塘倡和詩

園鑪倡和詩

上海大東書局印行

洹上私乘宮

村壺塘倡和詩

園鑪倡和詩

中華民國十五年三月出版
中華民國十五年三月發行

滬上私乘 (全一冊)

(定價大洋四角)

(外埠酌加郵費匯費)



撰述者 袁寒雲

發行者 大東書局

印刷所 大東書局
上海北西藏路南公益里

總發行所 大東書局
上海四馬路中市

分發行所

廣州雙門底
漢口後城馬路
北京梅竹斜街
天津鼓樓北街
長沙南關街
梧州基街

大東書局



洵上私乘

項城袁克文恭撰

乘目

卷一上

先公紀上

卷一下

先公紀下

卷二

先嫡母傳

慈母傳

生先母傳

卷三

諸庶母傳

卷四

大兄傳

諸弟傳

諸妹傳

卷五

自述

卷六

養壽園志

卷七

遺事

附表一

●先公紀上 卷一上

先公字慰庭。晚號容庵。幼好學。爲文多奇肆。結文社於鄉。自主之書。恣放不工。卷摺體累試不第。遂投筆從戎。入吳。武壯公慕師事。武壯武壯絕器。先公謂後必成大業。旋率軍駐守朝鮮。朝鮮王重先公事。必咨先公。

遂預其國政有不利我國者輒阻之。

時朝鮮東學黨通於日假日兵攻王宮欲逐王別立遂其親日遠華之謀且思危害先公先公覺之率數十人入宮衛王戰於宮門日兵發彈擊先公先公指揮間彈至左立者疾推先公彈中後立者死焉先公仍前立不却卒以數十人破日兵千餘敵之死傷市巷枕藉搜戮叛黨國亂乃定清庭遂命先公爲朝鮮駐使日人銜恨深矣旋有甲午之戰先是先公已知禍啟電請李鴻章遣兵濟助以備緩急鴻章不報及事急復再三請鴻章猶疑慮不決坐視朝鮮離棄諸軍覆敗咸鴻章一人誤之痛哉甲午稱兵之初先公僅有百餘人自不能敵鴻章復不遣援時日兵已據韓京遍設關隘命守者不得縱先公行先公困於危城東臂待亡而已忽奉朝旨勅先公返國先公適臥疾延日醫古城梅溪診視梅溪久寓朝鮮與先公善僞言先公病篤報日帥大島圭介先公奉詔後以印授唐紹儀託言洪氏訪謁英國領事從者二三乘輿行途中巡守者詢詰輒以託言對日領事朱爾典預爲備者艦旣行日帥始覺乃囚梅溪遣艦逐擊艦不可及先公旋登國土矣先公旣歸聞鴻章以朝鮮亂歸罪先公先公入都訴辨過天津鴻章探知泥先公行恐以眞象入告將有不

利焉先公不別北上立謁諸軍機大臣悉陳鴻章誤國狀且言我國軍備之疎不足與列國抗請以新法調

練自効時庭。臣多迂執不建。先公議獨榮祿贊。可遂以上聞。孝欽后垂簾。亦以先公所請爲是。疊召入對。先公侃侃而言。后爲歎折。斯先公見任於后之始。立授先公直隸按察司使。駐小站督練新軍。是爲武衛右軍。我國軍伍訓以新法之創也。先公知德國軍事獨精。乃延其退伍軍官爲導師。兼設學校教兵。以文字且參六韜。玉鈐握奇陰符諸說。自輯兵書數十卷。倡告天下。初尙有疵議者。及觀軍儀嚴肅。武事精雄。咸推武衛軍爲國之長城矣。戊戌政變之初。康有爲以說惑景帝。帝冲幼無識。不辨其姦。遂重任之。設懋勤殿。奪軍機權。有爲漸施離間。欲假先公之兵謀危孝欽后。先授先公以侍郎。繼使譚嗣同至小站。劫先公假帝詔命先公囚孝欽后。殺榮祿。先公早識。宥謀乃佯諾之。隱走告榮祿。祿倉皇請策先公屬祿密詣頤和園。請命於孝欽后。祿亟入覲。奏孝欽后從容返蹕。立禁帝於瀛台。仍垂簾聽政。斬有爲黨譚嗣同等五人。及有爲弟廣仁。於市。有爲先已避居沽口夷船中。以觀成敗。及聞變。乃懸走日本。故逃於刑戮。有爲包藏禍心。陰圖亂逆。挾帝變法。自養位望。一時朱詔悉出。有爲手帝初不預知。且延納私近。廣樹羽翼。雖云以漢易胡。復我炎夏。若有爲之不軌於正。反招分崩覆滅之禍。必矣。

先公既定黨變。孝欽后益重信遇。召榮祿入軍機。先公以候補侍郎護理直隸總督。旋授山東巡撫。庚子端

王載漪圖攘大權以拳匪邪術入惑孝欽后假詔誅異己者一時無敢爲言先公居東詔至謂拳黨爲義民令地方官保護先公歎曰此禍水也亂無日矣遂檄各府州縣謂遵旨護義民斯義民必守法安分之流若以邪術愚人聚衆設壇者是皆匪徒妖黨倡亂謀危遇之殺無赦苟官不懲滅則官與同罪令出四境震悚復遣軍探剿誅殺拳匪無算時省中兩司道府諸官咸目先公爲漢奸聞有拳黨欲起攻撫署悉殺吾家且盡滅叛拳者諸官惶駭同謁先公力請罷誅拳黨之令免一城之禍先公正色叱斥嚴詞訓告諸官退曰袁公愚而自用無可爲也載漪聞先公厲行剿滅大怒欲加罪討嗣畏先公率有勁旅乃止先公諫疏數上咸爲載漪抑阻先公知外釁一啓國必無幸諫疏復不能上達乃電聯兩江總督劉坤一兩湖總督張之洞等合力拒匪使不得南之洞初不敢發及得先公電言坤一復同倡斯議遂定聯拒合剿之策東南諸省悉免兵禍及外兵深入兩宮西狩昔之持異議者轉服先公之先見矣外兵破都城據宮禁而不敢言瓜分者懼東南諸省之大有人在焉李鴻章以兩廣總督調任直隸議和未竟卒時先公丁先祖母之喪奪情繼鴻章任和議成孝欽后猶不敢遽歸恐外兵有他變先公力保無患始返蹕行次孝欽后見先公痛哭失聲曰予母子之命咸汝一人生之也



涇上私乘

項城袁克文恭撰

●先公紀下 卷一下

孝欽。后。率。景。帝。返。蹕。後。中。原。乃。定。國。經。脈。難。內。氣。彫。傷。邦。夏。雖。續。而。疆。權。多。失。先。公。遂。意。圖。創。革。以。振。衰。疲。直。隸。省。會。原。在。清。苑。僻。處。一。隅。多。所。間。隔。天。津。則。四。遠。通。達。舟。車。利。便。既。屬。京。師。樞。戶。且。爲。歐。美。人。士。僑。居。之。地。邦。交。庶。政。咸。有。裨。益。於。是。移。節。駐。天。津。初。天。津。景。帝。有。閱。兵。之。議。特。起。行。宮。議。旋。罷。行。宮。乃。廢。閉。先。公。疏。說。改。建。牙。焉。自。辛。丑。迄。丁。未。八。載。之。間。興。學。校。建。新。軍。創。警。政。闢。道。路。廣。市。廛。勤。工。業。百。政。俱。舉。爲。世。範。則。復。疏。罷。科。舉。請。立。憲。法。迂。執。之。徒。羣。焉。詭。謗。時。先。公。取。率。六。鎮。軍。儀。整。肅。士。卒。嚴。馴。尤。召。怨。者。之。忌。有。鐵。良。者。詭。與。先。公。契。合。而。陰。實。誘。陷。會。兵。部。改。陸。軍。部。乃。請。統。一。軍。政。奪。先。公。兵。柄。復。與。榮。慶。載。澤。輩。合。謀。假。中。央。集。權。之。說。迫。先。公。自。解。鐵。路。郵。傳。等。八。大。臣。職。先。公。一。笑。置。之。而。略。無。怨。沮。之。色。時。文。雖。幼。深。自。憤。鬱。嘗。兵。符。未。解。亟。陳。於。先。公。曰。竊。聞。太。后。用。鐵。良。言。欲。奪。大。人。六。鎮。之。軍。譬。之。軍。樹。也。帥。巢。於。樹。者。也。施。斧。斤。於。下。樹。木。既。斬。而。巢。寧。有。不。覆。

者哉。今符猶未解。諸將多憤然不能平。且共慮。一旦
柄移。將有弓藏之危。何如乘士氣未衰。親率諸鎮入
清。君側。斬鐵長諸奸頭。今海內羣謀復漢。苟太后違
逆。即驅胡虜而北之。以順民命。進可成王。退將危禍。
千秋大業。乞大人毅然斷行之也。先公開文語怒目
叱責曰。小子無知。敢妄語族滅。無日矣。乃禁文於內
室者。紫月。恐言不慎。將構禍也。先公既罷諸兼職。政
事之暇。輒作書自娛。未幾。召遷外務部尙書。兼軍機
大臣。是歲戊申八月二十日。爲先公五十壽。孝欽后
賜銀二千兩。及金瓷諸珍器。且頒自畫三星圖。巨贖
觀資之厚。例雖親王亦無若是之隆重者。一時朝野
多爲側目。御史江春霖見壽帖中有慶王奕劻一聯。

欺書名焉。又有載振聯。自署如弟某某。乃據以入奏。
謂天潢之尊。例無書名。且有權臣煊赫。將有不利於
朝廷之語。疏留中不發。十月。景帝疾日亟。孝欽后亦
患腹疾。及景帝大漸。孝欽后詔先公及奕劻世續。鹿
傳霖。張之洞。詣寢宮密議。孝欽后問帝將不諱。何人
當立之。洞請以恭王溥偉繼位。孝欽后怫然不悅。先
公與奕劻則請以醇王載灃長子溥儀入承大統。孝
欽后初尙遲慮。先公與奕劻力爭始定。及退出。先公
與奕劻汗被重裘矣。奕劻顧先公曰。公真大膽也。之
洞則面亦有怒色。景帝既崩。孝欽后聞之。悲痛疾乃
轉劇。臨終執溥儀手指。載灃顧先公及奕劻。世續等
而泣曰。汝輩皆先皇老臣。今皇帝沖齡。雖有載灃繼

政亦惟汝輩。匡輔是賴。復泣顧載灑曰。汝應拜諸老臣。汝年幼。惟諸老臣之謀。是用載灑。揮泣向先公及奕劻等拜。先公與奕劻等同伏。地泣不可仰比。退孝欽后亦旋崩矣。溥儀嗣立。載灑攝政之洞。日奔走於載灑之門。而媚事之。載灑用之洞諂。漸疏先公。及奕劻世續等。奕劻泣謂先公曰。先后先帝之骨未寒。而政象已紛擾。我輩俟百日服滿。後可挂冠去矣。先公亦覺之。洞之相傾陷。繫思乞休。乃以願命治喪之臣。不可遽去。而百日未終。罷官之詔下矣。先公遂攜家入卜居。衛輝旋以居室逼隘。移家安陽北郭。時文官法部員外郎。因乞終養。歸侍日從。先公種花移木。築石硯茅以孝欽后。曾賜御書養壽二字。遂以養壽名。

園鷓詠。其間輒忘歲月。辛亥八月。武漢變起。先公奉詔督師。駐節兵站斗室中。備曆辛艱。旋召授內閣總理。即被命入覲。馮國璋繼續諸軍克復漢陽。先公密令罷戰。蓋知大勢趨於民治。清運已垂終矣。清帝諭復漢陽功。封先公一等候。先公力辭不拜。一日先公入朝。有宥徒懷彈伏東安門外道左樓中。俟先公歸邸。車過其下。乃擲彈向車。車遠不可及。彈墜地。適觸水管。彈裂擊殺車前後衛官二人。傷一人。且傷駕車之馬。而車獨無恙。馬被彈力馳而歸。入邸馬亦斃。先公神色自若。堆言耳。震微聾耳。清帝聞之。震驚召止。先公入朝。遇事輒傳達焉。清帝懼民氣之烈。兼以馮國璋等奏乞遜國。乃頤旨退位。授先公以全權與革。

恒上私乘

八

命軍議和事南北一統先公被舉爲共和第一任大總統其次年黨人謀亂先公命馮國璋等率師討平之四海又安有承平之象乃理舊政布新猷廢者舉之絕者續之開基之始政爾有爲不幸悖亂之徒妄冀大位羣姦肆逐衆小比朋如朱啟鈞梁士詒楊度夏壽田張鎮芳輩譁張擾攘共濟兇謀先公日理萬幾未遑察及患之伏於眉睫也大難旣作已莫或遏制矣先公一憤而歿嗚呼

恭贊曰先公天牛睿智志略雄偉握政者三十年武備肅而文化昌乃以一忽之失誤於姦宄大業未竟抱恨以歿悲夫痛哉

「上期影印先公垂釣圖乃無錫楊令蕪女士

手繪詩亦女士題也圖左闕記茲補及之寒雲附誌」



涇上私乘

項城袁克文恭撰

先嫡母傳 卷二

先嫡母氏于河南沈邱縣人也。長於先公者一歲。于歸後先公即遠征。遂留家侍養。時先祖母牛太夫人。先本生祖母劉太夫人俱健在也。先公使韓迎養劉太夫人。先嫡母以侍牛太夫人。未從歲甲午。牛太夫人薨。先公因日韓之戰。奉詔歸國。練兵小站。先嫡母始從焉。先嫡母性秉仁慈。行持儉約。事親以孝。聞處下則謙。謙無厲色。奉先公尤盡禮讓。先公歿。痛哭無已。時旋以致疾。越三年。薨於天津。享壽六十有二。長兄克定。先嫡母所出也。

家慈母傳

家慈母氏沈江蘇崇明縣人也。先世務農。家慈母幼失怙。恃依姊以居。遊上海為匪所掠。攜至天津。欲溺入妓家。家慈母微聞之。誓以死拒。匪迫之。乃飲鴆示志。匪大驚。亟延醫施治。且以甘言慰解。家慈母痛哭呼誓。

時先公使韓道出天津聞家慈母之貞烈乃出金贖之家慈母感先公之義遂甘爲妾媵以從先公即相饋澆薄至韓京家慈母以飲毒傷腑嘔血幾不起後雖差瘳而病則未全除也且兩割臂肉和藥愈先祖母劉太夫人及先公之沉疴其誠孝雖能格天而血又損虧身益羸瘠矣清河南巡撫曾疏請旌表無出先公命克文嗣焉

先生母傳

先生母氏金三韓人也家爲望族世有貴顯先公使韓韓王選貴族女四人以贈先公先生母與焉先生母幼承庭訓長習書禮敬事先公善持家政事先祖母劉太夫人尤盡孝道曾割臂和藥以起危疾故劉太夫人益愛重之未嘗以妾媵視先生母也從先公三十餘年無違言先嫡母及家慈母之視先生母猶手足也悵家慈母多病無子乃以克文爲家慈母子仁懷義行尤足稱焉先公歿悲慟獨甚衆欲以身殉咸以克文等護侍於側未得間以遂志因觸發舊疾嘔血斗餘未逾年竟從先公於地下矣時年四十九薨於天津寓邸生子二克文及三弟克良女三三妹八妹十妹也



涇上私乘

項城袁克文恭撰

諸庶母傳 卷三

二庶母氏白三韓望族也與先生母先四庶母同來歸焉性秉婉淑行允厚誠事上以敬御下以和教子則慈威兼施律已則廉儉一貫斯古之賢母也五弟克權七弟克齊咸承嘉訓學乃超異尤重行踐故居貴而無越焉庶母與先嫡母最相恭愛先嫡母理家事靡巨細必以咨蓋以家慈母多病庶母獨居長也生子四曰克權曰克齊曰克堅曰克度女二曰伯禎曰縑禎

先四庶母氏季三韓望族也幼承闈訓長秉閨儀顯慈修持幽嫻靜婉略習韓文曾攻書史於古賢孝女輒心儀之既歸先公尤敦婦道從先公轉徙頻仍而侍承無間事家慈母獨恭家慈母亦遇之獨厚處諸庶母間相與悅好垂二十年無違言先庶母之德讓可以風矣嗚呼天奪賢母乃不永年嘗先公任直隸總督時先庶母隨侍節署因誕七婦瑛禎產後致疾誤投夷藥竟遂不起藥暴傷臍慘呼一永夕而絕痛哉先庶母

既卒先公悲傷逾常爲輟政事者纒日庶母生子一曰克端女二曰次禎曰琪禎
五庶母氏楊直隸天津縣人也顯敏得先公歡生子四曰克桓曰克軫曰克久曰克安女二曰季禎曰玲禎
六庶母氏葉字麗儕江蘇丹徒縣人也婉孌明靚柔質豐儀十七來歸先公極愛寵之使克文就呂碧城者
討探學校制設家塾於天津節署延周砥諸女士爲教授庶母與五庶母七庶母咸從學焉庶母獨穎慧未
逾歲已試爲文能作簪花格生子二曰克捷曰克有女三曰玖禎曰瓊禎曰璣禎
先七庶母氏邵字惕若山東濰縣人也幼失怙遇災從母避走他方母困於貧粥先庶母爲宦家婢宦家中
落轉粥於予家侍家慈母深得歡心家慈母無出撫之如己女命克文教以書字庶母雖非絕慧而攻苦異
人能作短札善擘窠書先公賞之列爲姬侍清光緒戊申先公罷官歸先庶母適臥疾倉皇相從以驚致劇
未幾卒於汲縣邸第得年二十無出先公哀悼甚且憫其賢以側室禮葬之於安陽南郭
八庶母氏郭浙江歸安縣人也母爲南灣某富室妾生女二以故下堂携幼女行即庶母也其母既復墮
風塵粥歌於天津庶母從焉比長亦爲張幟字曰寶仙庶母性純孝而心非其母行尤不樂溷青樓中居常
落落寡與人合其母以疫死庶母哭之慟昏絕者屢欲以身殉賴左右以葬親責勉乃輟死志一時士夫羣

嘉其行克文遊津沽識伎蟾香伎與庶母友善從開始末及歸涇上爲家慈母言之時家慈母因先公罷官家居慮有抑鬱亟遣使輦重金至天津贖庶母歸初庶母丁母喪室無宿儲典衣粥飾以營殯殮典粥不足乃貸諸伎家負幾二千金且有弱弟賴爲衣食庶母極友愛倡言有能致萬金聘者嫁之有數豪賈欲得庶母爲室庶母不樂爲賈人妻咸却拒之及聞先公來聘欣然投袂而起曰此妾終身所也安用多金爲哉屬使償伎家二千金授弟千金其母遺物悉以畀弟毅然從使來涇上先公一見悅之且重其義立列爲側室遣其弟入學校讀書庶母感先公厚遇益自恭順素持謹約不類出青樓中和惠靜婉家人皆稱其賢生子二曰克相曰克和女一曰珣禎

九庶母氏劉直隸天津縣人也幼齡來歸性頗率直及列側室行極謹飭先公殂庶母欲以身殉以遺腹有妊羣勸止之立毀容守禮獨依家慈母居涇上訓子嚴重不以幼獨而寬假也生子一曰克藩女一曰璉禎

恒上私乘



恒上私乘

項城袁克文恭撰

大兄傳 卷四

大兄名克定。字雲臺。號鯉。先嫡母所出也。幼時羸。屣血。幾殆。然好學。不倦。未嘗以病。偶輟。始攻帖。下第。後頓悟。時文不足爲世用也。類集其書一炬。燬之。乃博求經世之術。及經史羣籍。餘事讀兵法。學英德法日諸國方言文字。延宏博之士。閉戶講論。十年而學識。孟晉先公督直時。爲大兄納粟。爲候選。道初。大兄焚書。時迂執之。徒爭訟。病於先公前。先公輒笑。領之。及詔罷科舉。始服大兄之有遠識焉。盛京將軍趙爾巽。銳圖新政。改制軍旅。聞大兄勤奮。招入幕。參軍事。未幾。清廷遣載澤。端方等五大臣。使歐美諸國考察政治。以

大兄從。往先嫡母。原不欲。大兄遠涉。會刺客吳樹。投彈。狙擊大兄。幾罹禍。先嫡母益懼。力阻其行。遂能服役。越歲。清廷改工部爲農工商部。以載振爲尙書。載振請簡大兄爲右參議。後遷右丞。署左丞。辛亥革命軍起。據武漢。先公再起。拜詔督師。大兄業官。隨侍軍次。馮國璋等迫清廷遜政。大兄與有力焉。惟以建言。衆致先

公。多。不。納。心。輒。鬱。壬。子。二。月。克。文。奉。慈。母。自。涇。上。北。遷。大。兄。侍。先。嫡。母。獨。留。車。發。之。日。大。兄。臨。送。車。既。行。克。文。猶。望。見。大。兄。緩。策。騎。歸。村。不。期。已。入。村。矣。而。馬。忽。前。蹶。大。兄。下。墜。傷。首。昏。絕。舉。室。惶。駭。絕。者。三。日。始。蘇。手。足。言。語。歷。數。載。差。靈。舒。然。亦。危。矣。娶。吳。縣。吳。大。激。女。生。女。一。曰。家。棣。妻。馬。氏。生。子。一。曰。家。融。女。一。曰。家。金。

諸弟傳

三。弟。克。良。字。靜。軒。號。君。房。克。文。同。母。弟。也。喜。馳。馬。弄。劍。而。不。近。文。史。孤。其。慧。性。惜。哉。娶。長。沙。張。文。達。公。女。無。出。妾。孫。氏。生。子。二。曰。家。貞。曰。家。治。女。一。曰。家。乾。

四。弟。克。端。字。誠。齋。號。充。四。先。四。庶。母。所。出。也。魯。而。勤。學。讀。書。強。記。性。純。孝。有。至。行。娶。何。炳。瑩。女。生。子。三。曰。家。禮。曰。家。寶。曰。家。方。女。二。曰。家。麒。曰。家。麟。

五。弟。克。權。字。規。厂。二。庶。母。所。出。也。敏。慧。過。人。工。詩。其。師。吳。闈。生。深。許。之。娶。托。活。洛。忠。敏。公。女。亦。能。詩。生。子。一。曰。家。許。女。二。曰。家。訓。曰。家。讜。

六。弟。克。桓。字。翼。厂。五。庶。母。所。出。也。娶。陳。啟。泰。女。生。子。一。曰。家。辰。女。一。曰。家。奇。

七弟克齊字兩峯二庶母所出也性誠行謹娶杭縣孫寶琦女生子一曰家藝

八弟克軫字鳳鏞號進厂五庶母所出也娶建德周馥女生女一

九弟克久字子大聘黃陂黎元洪女十一弟克安皆五庶母所出也

十弟克堅聘天津徐世昌女十二弟克度皆二庶母所出也

十三弟克相十五弟克和皆八庶母所出也

十四弟克捷十七弟克有皆六庶母所出也

十六弟克藩九庶母所生也

諸妹傳

大妹伯禎二庶母所生也志性堅厚孝悌純誠諸弟妹中大妹之德行稱最焉先公極愛重之從未施以厲色大妹循規蹈禮略無矜張幼與克文同席讀書最相友好工詩手鏤唐人詩數卷輒喜吟誦適豐潤張元亮亮字廈樓人駿第十二子擅八法能文章行高品潔古之君子也夫婦至相得寶敬若梁孟焉

二妹仲禎先四庶母所出也慧而靜婉麗而端肅幼失恃先生母撫而教之使與三妹同居處克文授以書法能作顛草適無錫席氏

三妹叔禎與文目母性修潔善辭令喜遊遨山木間挺特無兒女態人譏其放吾愛其爽雖性斥拘執而行
輒中禮本嘗違先公訓焉適泗州楊毓珣珣字琪山士驄次子也知兵事曾從軍衡湘間以功授少將

四妹次禎先四庶母所出也早殤

五妹季禎十五妹玲禎皆五庶母所出也

六妹錄禎二庶母所出也

七妹琪禎先四庶母所出也

八妹環禎與文同母殤

九妹玖禎十一妹瓏禎十二妹瓊禎皆六庶母所出也

十妹臻禎文同母妹也

十一妹璉禎九庶母所出也

十四妹珣禎八庶母所出也



洵上私乘

項城袁克文恭撰

□自述 卷五

維歲庚寅克文生於朝鮮漢城降之日先公假寐夢朝鮮王以金連鑣引巨豹來贈先公受之繫豹堂下食以果餌豹忽斷鏈直竄入內室先公驚呼而覺適生文先生母亦夢一巨獸自外奔入向已躍搏驚寤腹遽痛頃間而文降矣後述巨獸狀亦豹也先公遂錫名曰文命字曰豹焉文年五歲遘甲午之戰侍先祖母暨家慈母先生母自朝鮮返國先公繼歸旋奉詔訓旅次軍小站文從焉六歲識書字七歲讀經史十歲習文章十有五學詩賦十有八以蔭生授法部員外郎歲戊申清德宗及孝欽后先後崩遜帝繼立載灃攝政先公以足疾罷官文亦棄官從歸侍居洵上日隨先公營田園起亭榭疏池沼植卉木飲酒賦詩極天倫之樂事辛亥武漢變作先公再起督師命文守洵上處四方危亂之中得苟安焉先公班師文亦奉檄屬北上國難方定而家禍興文不獲已走海上未幾先公覺爲宵人間讎亟遣使召文歸文感於先公之慈明不欲復

以不謹。累先公憂。遂放情山水。不復問家國事。乃北望居庸。登翠微。東遊秦岱。觀日出南浮海。拊吳越之勝。溯揚子江。而攬金焦。中歷嵩高。窺龍門。仰太昊陵。陟百門。陔復東渡。汝水拜孔林。瞻歷朝衣冠文物。雖天下未臨。其半而名山大川已足。盪胸興感矣。乙卯任清史館纂修。與修清史楊度等。忽倡革政之謀。十一月。尊先公爲皇帝。改元洪憲。忽有疑文謀建儲者。忌欲中傷文。懼稱疾不出。先公繫召不敢辭。遂陳於先公。乞如清冊皇子例。授文爲皇二子。以釋疑者之猜慮。庶文得日侍左右。而無憂顧焉。先公允之。文乃承命撰宮官制訂禮儀。修冠服。疑者見文鈐皇二子印。笑曰。無大志也。焉用忌內辰。先公歿。昔先公居恒時。曾自選窳窳地在太行山中。遂而高曠永安之所也。及先公歿。羣議葬事。文以太行山地請大兄獨不可。欲葬恒上村左。以其地邇便祭掃也。文力爭不獲。彼且迫掘。使不可安處。遂遯走天津。先公之葬。竟不得臨。此文終天之恨。而不或道之罪也。十一月。先生母又卒。初文奉慈母南遷。聞先生母病。星夜北馳。及至天津。而先生母已於前一日遐逝矣。彌天之痛。一歲而兩丁之心。摧腸崩而生氣盡矣。乃橐筆南下。粥文於海上。昔先公召文曰。人貴自立。不可恃先人之澤。而無所建樹。建樹之道。始於學問。觀夫貴豪子弟。多不識一個字。而驕奢淫佚。終至破家亡身。求一棺而不可得者。咸有所恃而自墮也。文書之紳。銘之心。不敢忘焉。今文始三十。政有爲之年。而天下驚懷羣以利征甯甘亡恥。屈躬以求辱。澗此暫侶於烟霞。苟活於刀筆。豈得已哉。豈得已哉。



洹上私乘

項城袁克文恭撰

口養壽園志 卷六

序

歲在戊申先公引疾罷歸以項城舊宅已悉畀諸親族且家人殊衆未敷所居乃初卜宅汲縣旋遷百泉逾歲洹上築成居室厥定洹上村負安陽北郭臨洹水之上村之左闢地百畝藝花樹木築石引泉起覆茅之亭建望山之閣漳河帶於北太行障於西先公優遊其中以清孝欽后曾賜書養壽爰命曰養壽園其一椽一卉威克文從侍而觀厥成焉茲先公遐逝園圃云荒夢寐臨存益滋痛慨溯而志之用紀林泉之舊爾

目

(堂) 養壽堂 謙益堂 五柳草堂

(樓) 樂靜樓

洹上私乘

恒上私乘

(館) 紅葉館

(廳) 納涼廳

(樹) 澄澹樹

(閣) 葵心閣

(精舍) 嘯竹精舍

(村) 杏花村

(臺) 臨垣臺

(亭) 洗心亭 垂釣亭 蓋影亭 滴翠亭 枕泉亭 接葉亭 待春亭 瑤波亭 瀉練亭

(峯) 天秀峯

(洞) 碧峯洞 椎風洞

(崖) 散珠崖

(池) 滙流池 變影池

(橋) 臥波橋



涇上私乘

項城袁克文恭撰

口養壽園志

〔堂〕

養壽堂。堂居園之中央。凡三巨楹。周拓廣廊。軒敞爲全園冠。遂以名園者。名堂。堂額以孝欽。后賜書養壽二字。勸諸貞木楹。帖乃吳江費樹蘭集龔孝琪詩句曰。君恩穀向漁樵說。身世無如屠釣寬。書則紹縣沈祖憲代書也。堦前立奇石二。一狀美人。一如伏虎。咸大行山中產也。

謙益堂。堂居園南面。漚流池倚碧峯嶂。左接峻閣。右挹新篁。明窗四照。遠碧一泓。南園之勝。一枕收之。榜爲先公書。綴以跋曰。光緒辛丑季冬。皇太后御書謙益二字。賜臣某。聖意深遠。所以勗臣者至矣。園居成。謹以名堂。俾出入瞻仰。用自循省。云。聯曰。聖明酬答期兒輩。風月嬰娶讓老夫。亦先公作也。

五柳草堂。草堂居園西北。前有巨柳五株。遂以名焉。

恒上私乘

二四

〔樓〕

樂靜樓。樓居園東北隅。低檻四週。大行在望。聯曰。曲屏橫遠翠。小閣倚晴空。江都閔爾昌。集句。克文所書也。

〔館〕

紅葉館。館居養壽堂西。散珠崖東。長席枕地。室有古風牡丹盆。庭芍藥夾徑。春日高臥。一夢幽芳。及秋。則丹楓拂檻。霜柿垂簷。益多佳勝。故名紅葉云。

〔廳〕

納涼廳。琉璃之屏。丹碧之檻。大木沈陰。宜於夏晝。文書納涼二字。榜之楹楣。

〔樹〕

澄澹樹。樹北嚮。枕鑑影池。倚東垣下。西接疊障。碧峯洞在焉。中懸巨鏡。適納天秀峯於其中。若幻境。然額曰。澄澹。聯曰。芳沼拂席垂簷帶空。咸文書也。背有斗室。環以花竹。其側高石瀉泉。潺湲弗絕。文摘禊帖。又有清流激湍。映帶左右。句書榜以補壁焉。

〔閣〕

葵心閣。高閣矗空。中置攝泉之機。水火既濟。甘流四溢矣。

〔精舍〕

嘯竹精舍。澄澹樹南。謙益堂。北碧筠。四圍清蔭。永覆歌嘯。其中悠然自適。嘯竹之韻亦文書也。

〔村〕

杏花村。村居園北。獨處僻闕。地十弓。移栽古杏。茅屋數椽。宛在郊野。朱旆籠烟。疑呼酒來也。

〔臺〕

臨恒臺。臺建園之極南。薄南垣。焉疊石承之。若嶺若立。俯聞洄流。遙覽城郭。登其上。可捫星斗。陂陁而下。

其北則匯流池也。

〔亭〕

洗心亭。亭居匯流池中央。碧水瀼洄。必以舟達。亭甚廣。讌飲其間。若猶虛焉。先公昔號洗心亭主人。故以名之。嘗春秋佳辰。先公輒命姬侍提榼。携尊而臨之。清波照影。若海上三山焉。

垂釣亭。亭居洗心亭東。石柱三。若鼎足。有板橋達南峯。徙倚而釣。不減濠上樂焉。

蓋影亭。亭居滙流池北岸。獨木覆茅石几。戴蔭棋杆一局。可忘憂也。

滴翠亭。謙益堂後。萬竹之叢。植亭其間。簷楣一碧。

枕泉亭。亭枕鑑影池上。南望碧峯。東窺天秀。叢花壘石。朱欄半隱。蒼苔一徑。每曳屐踏蹴而游焉。文會題。

極曰石泉。流暗壁。秋竹隱疏花。

接葉亭。亭倚園之東垣。接葉而立。其聯曰。雨勻春圃。花覆平泉。蓋蔬圃當前。時聞菜花香也。

待春亭。園北平曠。有亭翼然。牡丹千株。待春而豔。國色天香。輒有左挹右擁之樂焉。

瑤波亭。亭居澄澹樹右。俯鑑影之波焉。

瀉練亭。杏花村南。有短瀑臨之。

〔峯〕

天秀峯。玲瓏奇石。壘之成峯。臨鑑影池。倒影一碧。斯養壽堂之左障也。

〔澗〕

碧峯洞。洞即碧峯嶂也。綿亘鑑影池南。若畫屏焉。池上有橋。洵乃嚮之洞。有四徑。北曰碧峯。通於池北。西曰屏移。入於竹林。東曰鏡轉。達澄澹樹。南曰青鸞。臨謙益堂。四徑題名。咸刊諸石焉。

樵風洞。臨洄臺下。洞有二徑。左曰樵風。右曰琴月。勒石題名。與碧峯四徑同焉。

〔崖〕

散珠崖。崖當曲澗北端。有泉自上。下懸成瀑。若散珠然。坐紅葉館。西窗下。奔珠落綺。適在望焉。

〔池〕

滙流池。園南廣池也。曲岸平波。周可十畝。種荷植菱。丹碧成錦。蓮葉如輪。蓮花逾掌。容與其間。枝高可隱。花葉密繁。扁舟爲阻。其盛可思。見也尤奇者。每歲輒生並蒂花。二三枝。文於中夜。以紙囊奈藏。花苞中一縛繫。朝起解之。晨露猶濕。故並蒂花時。有窺見不忍折取。以朱絲雙綰之。而明歲又生矣。

鑑影池。池界南北園間。橫亘若帶有平橋。通兩岸。曲檻環池。高峯並影。疏其流。自由曲澗。達滙流池焉。亦種蓮。滙流池之盛矣。

洄上私乘

二八

臥波橋
行焉。

曲。澗。入。漚。流。池。處。一。橋。衝。兩。岸。焉。高。可。尋。丈。展。影。若。虹。彎。環。而。升。如。履。新。月。清。漪。側。臥。宛。在。畫。中。



涇上私乘

項城袁克文恭撰

遺事 卷七

先公敦於孝行。先祖母牛太夫人。先本生嫡祖母劉太夫人。咸早薨逝。先本生祖母劉太夫人。曾割股肉起先祖沈疴。故先公事奉尤謹。先公巡撫山東。迎養於節署。時值拳匪搆難。四境風鶴。先公獨闢邪亂。嚴事誅伐。乃忽傳有匪黨圖加危害於我家。衆先公既戒飭防衛。猶恐以虛聲驚先祖母。乃闕不使內聞。先公定省輒如常時。落落譚笑。以博歡顏焉。

先祖母劉太夫人在日。每晨先公秉燭趨庭。竚於寢外。必俟先祖母既寤。躬啟安。始出堂治事。及午復入侍。先祖母食食訖。復出夕政事處。畢乃又入。或言家事。或述新語。先祖母輒顧而樂之。先公更調羹和蔬。以進。且躬視衾幃。試量溫寒。必侍先祖母入寢。後始退歸己室。終歲如一日。未嘗或間焉。庚子匪亂。初定。先祖母舊疾忽劇。先公躬侍左右。親嘗湯藥。衣不解帶。夜不交睫。歷數十日。靡有懈忽。而先

祖母終不起。先公慟哭。屢絕淚。無已時。臥守靈側。逾常哀毀。時先公方建保衛南疆之功。清庭倚畀。殷隆予假。百日奪情。視政先公切於孝思。不敢奉詔。乞護任者代請。終制。清孝欽后。猶在蒙塵。於行在得疏。詔曰。不許。勉先公移孝作忠。以捍危局。先公屢請不可。且知政朝庭多事。之秋不忍再爲言矣。孝欽后察知先祖母懿行。勅封一品夫人。建坊題褒。賜祭一壇。特旨下頒。殊異數也。未幾直隸總督李鴻章卒。詔以先公繼之。先公墨經而拜命焉。

先公既任軍機大臣。家十叔祖自鄉來。視先公因久違別。乃行跪拜禮。拜起微蹶。遂致足疾。不良於行者數月。每晨入宮。哭奠輒扶杖而趨。至內有小監扶行未久。罷官歸矣。

先公素無嗜癖。勤政之暇。輒使人譯世界大事。而流覽之。享午退朝。張之洞每邀先公同遊海王村。先公以之洞爲世交長者。閒遊雖非所喜。然不敢却辭之。洞時或強要先公購易。一。二古物。以爲樂。先公則深苦之矣。先公罷政。或謂出於之洞之讒。或曰。幸賴之洞諫阻。而免嚴譴。以文所知二者。咸非是。蓋前者決非之洞所忍爲。後者則之洞是時亦與先公同其危懼也。

光緒丁戊之際。先公既解兵柄。政事多暇。乃作書自遺。今存。署容菴悅老。二款之聯。額咸斯時所書也。

戊申先公入贊樞密八月二十日爲先公五十生辰兩宮賜壽殊恩也清例大臣年至六十始得遊賜壽之典若五十而膺斯寵賚者蓋鮮也且孝欽后暨德宗以先公劬濟之功特詔照親王例賜壽復於謝恩時孝欽后面賜親繪三星圖一軸壽字銀錠二千枚宣宗御用翡翠朝珠一挂宣宗御用珍珠帶頭一事御用銀器全副康熙霽紅瓷瓶一對御筆扇四十柄其他珍寶錦緞若干事德宗面賜御書聯額蟒袍扇緞等物凡數十事例賜之品猶不在此中也一時朝野聳動傳爲未有之殊榮焉

恒上私乘



洹上私乘

項城袁克文恭撰

卷七 遺事(下)

先公既罷政。初居汲縣城中。居舍狹隘。不敷所用。且過敵舊。尤弗適宜。輝縣有小園。修竹茂密。清漪澄澗。而室僅十餘楹。先公遊百泉。輒宿園中。蓋避暑佳地也。然非久居計耳。是年何仲遠姻丈創紗廠於安陽北郭。且就廠之左。徧闢地百畝。建爲廣廈。逾年而成。知先公卜居未定。爰舉以爲贈。先公以丈屬至戚。遂受之。蓋丈乃家四弟外舅也。先公既遷入。即以洹上名村焉。

先公居洹上之明年。先三伯父以病解徐州兵備道職。歸居開封。而先伯母復於是年逝世。先公友愛最篤。恐先伯病中不勝悲悼。乃遣克文至開封。迂先伯來居洹上。先伯遂以家事付家四兄理之。偕先庶伯母。同臨洹上。先公樂甚。日與先伯坐養壽園。閒話家人歡笑於旁。酌酒煮茗。極天倫之樂。事時先伯身左徧猶病。僵枯。先公憂之以重金。延法蘭西名醫梅尼博士長留村中。爲先伯調治。逾年疾大瘳。幾健若常人矣。一日。

泛小舟於滙流池。先伯戴笠披蓑危坐其中。先公則執楫立於後。使克文以鏡攝之。影成印數百紙。分致戚友焉。


先伯逝世之先一日中寒病忽劇。時梅尼已中疫。先歿。他醫咸束手。先公憂急日夜坐先伯榻前。不須臾離倦極。即就旁室假寐。頃間克文亦日夜侍側。見先公憂困狀。輒請先公歸室稍息。而先公輒不從。先伯自病劇至歿。中閱六日。先公未嘗一返已室。而安臥焉。先伯易簀時氣猶未絕也。先公初尙戒先庶伯母勿遽悲。驚失措。俾慎爲先伯濯沐更衣及訖。他人咸退入內室。惟先公及克文在側。先公引目克文而慘然無語。克文忽悲痛不可止。乃放聲哭。先公遂亦失聲。家人咸驚起出視。而戶外諸人亦相率入以爲先伯之已絕矣。是時先伯忽啓目視先公及克文。於是相對哭益益痛。家人乃先勸止克文。而後挽先公入內室而勸止之。先公言其故。羣爭責克文不應引老人悲。不知克文平生之痛切五衷者。此爲第一次焉。

先公平生盟好中交最厚。而最相推服者爲端齋丈。姻戚中之最相契者爲吳憲齋丈。周玉山丈。孫慕韓丈。張治秋丈。戚屬中之最加愛拂者爲梨宋卿丈。何仲璫丈。及家外舅故舊中之最相得者爲謝仲琴丈。沈祖憲閔爾昌弟子中之最賞識者爲袁海觀。盟兄楊杏城丈。楊廉甫丈。趙秉鈞阮忠樞。

先○七○庶○母○亡○年○二○十○無○子○女○未○與○先○公○同○父○母○喪○禮○不○得○稱○庶○母○克○文○以○庶○母○事○先○公○最○能○敬○順○而○致○亡○之○
由○乃○以○先○公○罷○政○放○歸○病○中○侍○行○之○津○之○汲○勞○勞○千○里○及○至○汲○縣○病○遂○日○亟○甫○閱○月○餘○即○永○逝○矣○卜○葬○汲○之○
西○郊○時○值○清○遜○帝○即○位○頒○覃○恩○詔○克○文○請○於○先○公○爲○請○得○賚○封○夫○人○封○典○並○乞○先○公○許○克○文○以○庶○母○禮○題○其○
墓○禍○遂○於○先○公○殂○後○五○年○題○於○庶○母○墓○曰○濟○封○夫○人○先○七○庶○妣○邵○太○夫○人○墓○

克○文○生○平○悲○痛○之○最○切○於○心○者○一○爲○先○三○伯○父○之○歿○再○爲○先○公○之○殂○三○則○先○生○妣○之○見○背○也○今○旣○記○先○伯○臨○
歿○之○狀○矣○復○擬○恭○撰○述○痛○紀○以○誌○先○公○及○先○生○妣○之○喪○乃○心○悲○腸○裂○不○可○畢○思○謹○先○書○數○言○用○系○永○哀○俟○後○
得○竟○所○述○再○爲○私○乘○之○續○也○可○

世系表



圭塘倡和詠叙

汾陽王式通撰

寒雲主人手書圭塘唱和詩既竟。屬贊一辭。式通未睹平泉之勝。初聞流水之音。受而讀之。移情累日。蓋自長信鐘沈。鼎湖弓墮。素奈之簪方痛。金支之患已深。顛覆有徵。機械隱見。吾謀不用。微疾遂行。洎上園居。委蛇偃仰。嘗諸神龍既躍。葆素曾淵。威鳳已翔。養真邃穴。謝家東壑。荀氏西豪。廖剛成世綵之堂。永叔作畫錦之記。誦芬家術。疏照鼎門。文采相高。廣酬斯盛。眉山昆季。是曰坡穎。梁園賓客。亦有鄒枚。羣從風流。寶氏聯珠之集。四時花事。晉公碎錦之坊。每當山水方滋。少長咸集。流連光景。發爲詠歌。吐噏芳華。溢於豪素。或繾綣以懷人。或蒼茫以感舊。葦垂露晚。墨灑霞初。往往朝出一篇。夕傳四座。題名壇坫。多叉手之詞人。著籍門牆。有掃眉之才子。異音合奏。前于後唱。援翰泉流。分箋雲起。元許可用。得康氏別業。鑿池如圭。日與子弟嘯詠。有圭塘欵乃集。圭塘小稿諸編。其客馬熙追和。別題曰圭塘補

和。以古方今。後先輝映。然彼祇歸老之嫫。此則興亾所繫。揆厥終始。可得言焉。向使黼辰方新。賢臣是任。竭其龜龜。塞此涓涓。計可出於安劉。功亦侔於徽管。奈何長城自壞。讎人高張。二叔危周。八王柄晉。坐使赤心之佐。戮力之英。長揖歸田。角巾就第。歲未三易。難發一朝。伯紀雖用而已遲。諸葛再生而莫據。迨至土崩瓦解。海立雲垂。人厭黃屋之尊。國有白宮之戴。玉步旣改。魁柄有歸。綠野之興未闌。朱果之祥頓渺。用知得失禍福。可參倚伏之微。風雨晦明。已兆謳歌之運。雖白天命。亦由人事。後之覽者。可以觀已。

圭塘倡和詩

項城 袁克文輯錄

次王介艇丈遊養壽園均

容菴主人

乍賦歸來句。林棲舊雨存。卅年醒塵夢。半畝闢荒園。鷗倦青雲路。魚浮綠水源。漳洄猶覺淺。何處問江村。

次均

會稽沈祖憲呂生

貨廡臨滄水。名流目笑存。蛾眉非茂苑。驢尾附梁園。藥竈三山客。松舟四瀆源。繩鱸隨地有。何必戀江村。

次均

番禺凌福彭潤臺

解柁歸農日。眞靈位業存。助名三尺劍。生計數弓園。戀岫知雲意。尋山到水源。東臬春已及。布穀喚前

村。

月下遊養壽園聯句上容菴師

江都女士史濟道子希
靜海女士權靜泉效蘇

纖纖素魄照遊人。史 迤邐行來觸目新。幾處亭臺通曲徑。權 數叢花竹結芳鄰。沿溪露冷蛩聲切。史 入夜風清鶴唳頻。漫道蓬萊仙境好。權 此中已似隔紅塵。史

次均

容菴主人

曾來此地作勞人。滿目林泉氣象新。牆外太行橫若障。門前洹水喜為鄰。風煙萬里蒼茫繞。波浪千層激盪頻。寄語長安諸舊侶。素衣早浣帝京塵。

次均寄容菴宮太保

貴陽陳夔龍小石

知公餘事作詩人。花木平泉物候新。兩字范韓曾懾敵。一家坡穎自為鄰。急流江上收帆易。小隱山中著屐頻。話到先朝恩禮渥。眼枯望斷屬車塵。

次均上容菴府主

吳江費樹蔚仲深

魂想瑤思託酒人。春光澹沱管絃新。門無冠劍參賓坐。天與溪山作比鄰。危閣琴聲魚聽慣。閒庭花影鶴飛頻。齒來搖扇真多事。地遠風高怯自塵。

次均上容菴宮太保

凌福彭

天涯芳草望歸人。忽漫開絨墨藩新。一畝宮牆成小築。千秋洛社結比鄰。蒼龍闕角催耕早。金爵觚棱入夢頻。三月桑乾河上過。連營萬騎已前塵。

次均上容菴宮太保

永城丁象震春農

幅巾天與作閒人。別業春回氣象新。賓從兩三陪畫舫。俸錢千萬買芳鄰。詩存竹所傳鈔遍。酒醒花間嘯傲頻。玉宇瓊樓天上夢。未忘十丈輦紅塵。

次均上容菴府主

沈祖憲

當代如公有幾人。用富弼詩句助華才藻竝清新。梁園賓客詩無敵。洛社衣冠德有鄰。已分輕鷗栖時穩。笑他語燕往來頻。卅年宦跡騰中外。差喜冰壺不染塵。

春日飲養壽園

容菴主人

背郭園成別有天。盤餐尊酒共羣賢。移山繞岸遮苔徑。汲水盈池放釣船。滿院蒔花媚風日。十年樹木拂雲煙。勸君莫負春光好。帶醉樓頭抱月眠。

次均

費樹蔚

徙倚高樓獨看天。畱連鶻詠映前賢。晴風雜樹當窗檻。細雨飛花入酒船。世事滄桑感雲物。村居水木靜風煙。登臨定觸心靈起。如此江山忍醉眠。

次均

沈祖憲

鱸香拂袖下諸天。直爲鱸魚也自賢。用蘇軾詩句身健不攜挑藥杖。波平聊試採蓮船。新栽蓬島三株樹。笑

指齊州九點煙。誰寫韓公康樂景。書家應數李龍眠。

次均

甘泉閔爾昌葆之

門前洹水碧浮天。共說歸田六一賢。垂釣偶臨楊柳渚。看花更泛木蘭船。一犁平野宜春雨。十里蒼嵐帶晚煙。遺恐二蘇無此樂。夜吟兄弟對牀眠。

憶康子舊事

容菴主人

八方烽舉古來無。稚子操刀建遠謨。慚對齊疆披枳棘。還臨燕水補桑榆。奔鯨風起驚魂夢。歸馬雲屯感畫圖。海不揚波天地肅。共瞻日月耀康衢。

次均

應江吳保初君遂

汝陰一老世非無。洛社流風翊廟謨。點點疎星橫塞鴈。依依邊月照關榆。曾勞至計安宗社。坐昧連橫失霸圖。江左夷吾能再出。對看逸足騁天衢。

次均

沈祖憲

斗米神仙事有無。蘭臺倘亦吐忠謨。金閨也詔逢黃石。銀漢何曾種白榆。羯鼓愁翻淋雨曲。龍舟淒絕上河圖。老臣早淡凌煙志。願製歌謠繼壤衢。

春雪

容菴主人

連天雨雪玉蘭開。瓊樹瑤林掩翠苔。數點飛鴻迷處所。一行獵馬疾歸來。袁安蹤跡流風渺。裴度心期忍事灰。二月春寒花信晚。且隨野鶴去尋欸。

次均

吳保初

徑野殘花寂歷開。會攜屐齒印蒼苔。袁安高臥人間世。陶令一官歸去來。往事沈沈渾若夢。相思寸寸總成灰。春風三月燕山道。笛裏猶聞唱落梅。

次均

閔爾昌

畫盡溪山粉本開。雙雙凍雀啄園苔。聲兼野竹蕭騷灑。寒趁東風料峭來。才語曾聞吟柳絮。初陽早已動霞灰。紅爐綠酒堪斟酌。更倚新詞譜落梅。

雪後園遊用前均呈容菴府主

前人

林花爛漫冒寒開。石上飛泉澗綠苔。隔樹禽聲催雪霽。當樓山翠撲人來。更從洛下聯詩社。莫憶昆明話劫灰。朝圃春叢歌雅調。風濤端已壓歐駘。

次均

丁象震

二月春遲花未開。花飛六出點莓苔。謝庭兒女裁詩就。梁苑賓朋載筆來。勝地林亭閒遠略。勞臣心迹燕寒灰。從知憂樂關天下。贏得餘情賦早梅。

次均

陳夔龍

秋容老圃報花開。又見東風長綠苔。謝傅中年有哀樂。泉明荒徑盍歸來。一場甦醒春婆夢。十載曾經

劫火灰。我擬孤山寄行脚。騎驢湖上去尋癩。

次均

祥符王 廉介艇

韶春取次畫圖開。柳氣通林妒綠苔。荏苒靈辰挑菜過。摩揩醉眼看花來。那知社後麥苗雨。化作人間豆秸灰。惟有午橋莊耐冷。瓊樓玉宇放紅罍。

次均

漢陽田文烈煥庭

春深二月萬花開。飛雪無端掩碧苔。匝地風雲千嶂合。寒江囊笠一舟來。詩成驢背心真壯。香爇鴨爐爐未灰。解凍蟻陽緣底事。方今東閣正調罍。

次均聯句

史濟道
權效蘇

已報枝頭杏漸開。史
又看飛雪點蒼苔。權
惟頓覺東風冷。權
入戶還兼細雨來。作意欲添新粉本。史
驅寒重撥舊爐灰。詩壇白戰揚乘興。權
何必山中更訪罍。史

清明偕叔兄遊養壽園

容菴主人

昆季偕遊養壽園。清明雪盡草初蕃。蒼松繞屋添春色。綠柳垂池破釣痕。畫舫疑通桃葉渡。酒家仍在杏花村。鶯歌燕語無心聽。笑把瓊觴對坐喧。

次均

閔爾昌

欣欣生意滿芳園。榆柳垂陰翠杏蕃。花底流鶯嬌弄舌。橋邊春漲綠添痕。尚傳往事分新火。恰見斜陽淡遠村。美景佳辰須盡醉。東風隔斷市聲喧。

次均

沈祖憲

秀野真同獨樂園。更懸藤榻效陳蕃。偶移松竹添山勢。爲種菰荷刻水痕。坡穎依然聯舊雨。漳洄且喜繞孤村。錫簫吹暖桃花塢。一任蜂衙過午喧。

寄陳筱石制軍二首

容菴主人

武衛同袍憶十年。光陰變幻若雲煙。敏中早已推畱守。彥博真堪代鎮邊。笑我驅車循覆轍。願公決策著先鞭。傳聞鳳閣方虛席。那許西湖理釣船。
北門鎖鑰寄良臣。滄海無波萬國賓。湘鄂山川謳未已。幽燕壁壘喜從新。鳴春一鷄方求侶。點水羣蜂漫趁人。旭日懸空光宇宙。勸君且莫愛鱸莼。

次均寄答

陳夔龍

老去都非少壯年。略園師友散如煙。目窮蒼狗浮雲外。心在金鼇夕照邊。射虎短衣談校獵。騎驢佳句試吟鞭。臨流不信風波惡。漳水茫茫好泊船。
已有獅兒作帝臣。齊眉鴛鴦案敬如賓。錦堂鄴下初成記。碁局長安又換新。三徑菊松應笑我。一窗風雨正懷人。淇泉鱖筍供春酌。惜少西湖雉尾莼。

次均上容菴府主爲二客薪禱問答之體

費樹蔚

大藥仙山駐巨年。落花禪榻颺茶煙。自邀古月來襟底。卻抱餘春向酒邊。北斗夜明閒撫劍。東華塵濁
暫投鞭。知公康濟心無限。忍便滄浪獨掉船。

清時魁柄付宗臣。願狎煙波作鷺賓。白首憂天年未老。赤心捧日事如新。對牀風雨聯詩課。橫海戈船
讓肉人。真誥靈筆真手初不敢下交于肉人出處自關家國運。不同張翰戀鱸莼。

次張馨菴都轉賦懷見示均

容菴主人

人生難得到仙洲。咫尺桃源任我求。白首論交思鮑叔。赤松未遇愧留侯。遠天風雨三春老。大地江河
幾派流。日暮浮雲君莫問。願聞強飯似初不。

次均上容菴府主

費樹蔚

煙景分明勝十洲。端居養壽更何求。乾坤溥落數君子。天地支離一醉侯。省識浮雲無定相。偶看逝水
悟橫流。高助碩望歸田早。傲得安陽憲叟不。韓魏公晚年自號安陽憲叟

雨後遊園

容菴主人

昨夜聽春雨。披蕤踏翠苔。人來花已謝。借問爲誰開。

獻竹精舍

容菴主人

烹茶檐下坐。竹影壓精廬。不去窗前草。非關樂讀書。

登樓

容菴主人

樓小能容膝。高檐老樹齊。高軒平北斗。翻覺太行低。

次均

沈祖憲

樓迥凌千尺。平看鴈翼齊。岱宗曾弭節。自覺萬山低。

次均

汲王錫彤
小汀

不作登樓感。全將物我齊。檻前列牛斗。誰復問高低。

晚陰看月

容菴主人

棹艇撈明月。逃塘沈水底。搔頭欲問天。月隱煙雲裏。

次均

沈祖憲

夜深魚讀月。影聚平橋底。忽驚撥刺聲。舟漾水雲裏。

海棠二首

容菴主人

海棠帶雨溼紅妝。乞護重陰晝正長。蛺蝶不知花欲睡。飛來飛去鬧春光。

垂絲幾樹拂池塘。夾岸紅雲絢夕陽。番信風來驚睡夢。落花飛向水中央。

次均

沈祖憲

海棠夾岸鬪新妝。細馬遊春覺路長。雛燕也知春富貴。口銜香雪掠波光。

一樹嫣紅照柳塘。鉛華穠豔冠河陽。分簪會沐東皇寵。檐子穿花入未央。

昨攜稚子遊園蒙顏活計
唐宰相均騎馬宋惟溫路兩
公許乘檐子即今二人肩輿

圭塘倡和詩

五二

家大人以足疾致政歸田。課耕訓子之暇。間以吟詠自娛。賓友酬和。積稿盈寸。大人輒以示克文。因次其目錄。都爲一編。命曰圭塘倡和詩云。宣統庚戌項城袁克文記。



圍鐘倡和詩言の輯

□小引□

寒雲

小引

詩

跋

題名

甲子歲闌奉親沽上初驚風鶴久廢詠歌笳鼓既遙室家
未毀重尋舊壁輒起新思乃掃徑以遊還閉門而臥撥紅
泥之火聯白戰之吟或慚謝女之才或賡惠連之賦或揮
毫于既醉或舒嘯于初醺斷句雜成羣篇爭屬綴爲一集
斯亦千秋此引



詩

大風夜坐懷海上故人並示諸兒

寒雲

雲水咽荒津。狂飊起萬塵。低徊歌子夜。一醉正懷人。

次均

初觀

一夜風兼雪。朝來淨塞塵。梅花含笑意。對景思幽人。

次均

仲燕

風林動暮津。激浪洗清塵。起舞銀缸畔。初醒憶故人。

雪

初觀

昨夜飄飄裏。朝寒覺十分。圍鐘迎煖意。宿酒尙微醺。

前題

叔選



入夜寒風起彤雲接海橫紛紛飄六出路靜少人行

雪和根驪兩兒均

寒雲

一望琉璃界渾然象未分紅鑪溫靜思白戰冷餘醺
我愧袁安臥天教玉體橫詩思驢子背試手看初行

初雪思江南用寒雲外子均

梅真

盪槳憶芳津擎尊滌俗塵蒼寒迷處所高臥有幽人

曼均和梅真

寒雲

戰酒思江津高林擁玉塵天南勞夢寐招隱更何人

次均

伯崇

冬夜靜遙津瓊英布滿塵消寒惟有酒獨坐正愁人



園鐘倡和詩

五六

春

初觀

園中佳景麗無邊。雨後桃花色更妍。閒坐小樓觀燕舞。風吹綠柳似含煙。

橋上

梅真

蓮池十里藕花香。古木寒鴉噪夕陽。負手閒吟橋上望。雲霞燦爛浴鴛鴦。

卽事

大方

煖烘烘地團團坐。宜誦溫公楫楸詩。難得羣兒無世態。解從文字作荒嬉。

和均

寒雲



紅泥綠蠃温馨地。慷慨彌天但有詩。我已中年君老去。一生難得是
愁嬉。

和根兒詠春

寒雲

微風微雨畫闌邊。桃李初葩分外妍。偶聽黃鸝聲數轉。鑪香靜處淡
茶煙。

春

伯崇

園中草木妍。楊柳漾青煙。飲酒知真樂。長歌帶醉眠。

題圖

仲燕

花滿山阿雪滿枝。前村沽酒客歸遲。東牆月上西牆柳。把手微吟欲
醉時。



泣珠詞三首有序

五八

寒雲

清故宮人昀珠感遂宮之厄。作紀事三章。其詞哀婉。可以諷
歎。爰爲和之。並屬內子梅真子婦初觀同作。

對景空揮淚。倉黃夜不春。隔江應有恨。誰與弔冲人。
玉骨冰肌在。臨池唱舊歌。東坡爲按譜。應是謫嫦娥。
金角驚飛騎。銀屏泣墜香。一從歌別怨。無復夢昭陽。

前題次均

梅真

絳幘雲裘冷。阿房感舊春。淒涼終一炬。千載泣宮人。
目斷蒙塵裏。銜悲獨放歌。一番辭故闕。緘恨訴姮娥。
潘女蓮生步。楊妃韞有香。空懷亡國恨。揮淚出昭陽。



前題次均

初觀

幼入深宮裏。恩承雨露春。忽逢亡國日。怕說昔年人。
 月色迷濛夜。朝元閣上歌。百思無所憶。含涕有宮娥。
 永巷行吟地。何年拾墜香。深愁無說處。冷落舊斜陽。

附昫珠原詩

奉帚朝元殿。長門十二春。不應宮草綠。翻妬繡衣人。
 絳幘驚宵起。都憐子夜歌。未教辭廟淚。偷灑向宮娥。
 鸞文空結鞦。蜨袖亦銷香。零亂東皇意。飛花出上陽。



跋

寒雲子曰。予既卜居沽水之上。奉親教子。樂融融也。定省著述之暇。召家人集斗室。吟歌笑語。輒忘形骸。盤桓其中。一小天地也。但無俗客之臨。而有嘉朋之至。彼冠蓋負販之徒。絕蹤于門久矣。其來過者。必臭味之相投焉。若江都方地山夫子。二十年交契。如一日。今爲長子。暇取其四女。根親好。乃益固。過存晤言。輒永夕而忘倦。其來過也。或相與賦詩。或爲諸子講授。或譚往事。或述舊聞。其中有至樂。非外人所能道也。當賦詩也。命題分韵。刻燭聯吟。積之既久。寢然成帙。予爲編次之。選定之。都爲一卷。命曰園鑑倡和詩。所集地山夫子與予作外。有內子劉姆梅真長子家煨。伯崇。婦方根。初觀次子家彰。仲燕。





三子家驩叔選凡七人詩二十六首甲子十一月編於佩雙印齋

題名

方爾謙 字地山號无隅江蘇江都人年五十三歲

袁克文 字豹岑號寒雲河南項城人年三十五歲

劉 姆 字梅真安徽貴池人年三十五歲歸河南袁氏

袁家嘏 字伯崇號天純河南項城人年十七歲

方 根 字初觀江蘇江都人年十九歲歸河南袁氏

袁家彰 字仲燕號夢濤河南項城人年十五歲

袁家驩 字叔選號用龍河南項城人年十三歲

